



ИҚТИСОДИЁТ
ВА
ТАЪЛИМ

4

2018

ИҚТИСОДИЁТ ВА ТАЛЬЛИМ

4-сон
2018

МУНДАРИЖА

ИННОВАЦИЯ ВА ИНВЕСТИЦИЯ

Кадыров А.М., Ахмедиева А.Т., Шамсутдинов Н.Н. Валиев Б.Б.	Методология оценки инновационного потенциала региона.....	6
Бурханов А.У., Курбонов Х.А. Алимова Н.Р., Абдукахарова С.А. Шадыбекова Д.А.	Ўзбекистон худудларида инвестицион фаолликни оширишнинг ўзига хос хусусиятлари..... Инвестицион фаоллик-худудий иқтисодий тарақ- қиётнинг бош омили сифатида..... Инновационные образовательные технологии в сфере здравоохранения Республики Узбекистан..... Роль инвестиционной привлекательности в управлении экономикой Узбекистана.....	11 20 26 32
Жуманиязов И.Т., Холиқов Ҳ.В.	Мамлакатимизда инвестиция дастурларини молия- лаштиришда Ўзбекистон Республикаси тикланиш ва тараққиёт жамғармасининг ўрни.....	37
Рашидов Р.И.	Қишлоқ хўжалигига инновацион ривожлантириш йўналишлари.....	44

МАКРОИҚТИСОДИЙ СИЁСАТ

Усманов А.С.	Методологические основы экономической системы.....	50
Умаров А.А.	Пути расширения участия НИУ в обеспечении макроэкономической стабильности в Республике Узбекистан.....	55

БАНК ИШИ

Султанова Н.И.	Проблемы совершенствование рейтинговой оценки деятельности коммерческих банков Узбекистана.....	62
Мавланов Н.Н.	Корхоналарнинг кредитга лаёқатлилигини баҳо- лашни такомиллаштириш йўллари.....	68

МЕҲНАТ ИҚТИСОДИЁТИ

Умурзаков Б.Х.	Сущность и направления децентрализации управ- ления экономикой на региональном уровне.....	73
Холмўминов Ш.Р., Арабов Н.У., Турсунов М.Б. Акрамова Ш.Г.	Қишлоқ аҳолисини иш билан таъминлашнинг самарали ижтимоий-иқтисодий механизmlари.....	77
Рустамов Д.Р.	Ривожланган давлатларда эркин иқтисодий зоналар фаолияти: АҚШ тажрибаси..... Молиявий барқарорликни ошириш ва инвестиция сиёсатини фаоллаштириш мақсадида Ўзбекистон пенсия тизимини имитацион моделлаштириш.....	86 91

ИҚТИСОДИЁТ ВА ТАҶЛИМ

Ситмуратов Ш.Т.	Ўзбекистон республикасида меҳнат унумдорлиги ва ишчиларнинг асосий фондлар билан таъминланиши ўртасидаги боғланишни тадқиқ этиш.....	101
Аъзамов Д.ў.	Мамлакат меҳнат салоҳиятининг шаклланишида оила саломатлигининг аҳамияти.....	107
Қорабоев Н.П.	Соғлиқни сақлаш соҳаси – меҳнат ресурслари таркибини шакллантиришга таъсир этувчи ижтимоий омил сифатида.....	113
Сайдов Н.Р.	Қишлоқ аҳолиси иш билан бандлигини оширишнинг ижтимоий-иқтисодий механизмини такомилластириш.....	116
БУХГАЛТЕРИЯ ҲИСОБИ		
Бердиева У.А.	Соликларнинг йигилувчанлиги даражасини ошириш мақсадида солиқ маъмуриятчилигини тизимли тадқиқ этиш хусусида.....	125
Шанасирова Н.А.	Ўзбекистон Республикасида аудиторлик фаолиятининг ривожланиши ва ислоҳ қилиниши.....	134
ҲУДУДЛАР ИҚТИСОДИЁТИ		
Хусайнов Ф.Л.	Ҳудудлар молиявий салоҳиятининг назарий жиҳатлари.....	144
Зокиров Ш.Э.	Ҳудудларнинг иқтисодий салоҳиятини баҳолаш усуллари ва улардан фойдаланиш имкониятлари.....	149
ТАРМОҚЛАР ИҚТИСОДИЁТИ		
Беркинов Б.Б.	Оилавий тадбиркорлик фаолиятини тартибга солишнинг институционал-хуқуқий нормалари ва механизmlарини такомилластириш йўналишлари.....	154
Махмудов Ш.С.	Характерные особенности управления деловой активностью организации.....	161
ХОРИЖ ТАЖРИБАСИ		
Адылова З.Д.	Зарубежный опыт развития кластерной модели на рынке образовательных услуг.....	167
Чарiev Д.М.	Японияда солиқ тизими.....	173
Абдувалиев А.А.	Ҳудудларнинг ташқи иқтисодий алоқаларини ривожлантиришнинг хориж тажрибаси.....	180
ҚИШЛОҚ ҲЎЖАЛИГИ		
Хасанов А.А.	Чорвачилик маҳсулотларининг асосий турларини етиштиришни прогноз қилишда мавсумийлик компонентларини ҳисобга олиш механизmlари.....	186
Эрхонова М.А.	Қишлоқ ҳўжалиги ўсимликларини биологик усулда ҳимоялаш тизимини ривожлантиришнинг экинлар ҳосилига таъсирини баҳолашнинг услубий жиҳатларини такомилластириш.....	195

- тиббиёт соҳаси ривожланган мамлакатларда меҳнат ресурсларининг сифат кўрсаткичларига соғлиқни сақлаш соҳасининг таъсирини баҳолаш усуllibарини ўрганиб амалда қўллаш лозим.

Юқоридагиларни инобатга олиб, хулоса қилиб айтишимиз мумкинки, респуб-

ликамизда мавжуд меҳнат ресурсларидан самарали фойдаланиш мақсадида чоратадбирларни амалга оширишга алоҳида эътибор қаратилган ва мамлакатимиз сиёсатининг устувор йўналишларидан бири бўлиб қолмоқда.

Манба ва адабиётлар:

1. Б.Х. Умурзаков. *Меҳнат ресурслари шаклланиши ва тақсимланишининг хусусиятлари* 14-б.
2. "Миллий иқтисодиётнинг инновацион ривожланишини илмий-методик асослари" фундаментал илмий лойиҳа ҳисоботи 2016 й. 12-б.
3. Ижтимоий соҳа иқтисодиёти. Дарслик. 2013 й. 70-б.
4. 2017-2021 йилларда Ўзбекистон Республикасини ривожлантиришининг бешта устувор йўналиши бўйича Ҳаракатлар стратегияси. 2017 й. 291-б.

ҚИШЛОҚ АҲОЛИСИ ИШ БИЛАН БАНДЛИГИНИ ОШИРИШНИНГ ИЖТИМОЙИ-ИҚТИСОДИЙ МЕХАНИЗМИНИ ТАКОМИЛЛАШТИРИШ

**Сайдов Нурали Рахимович
Тошкент давлат иқтисодиёт университети
таянч докторанти**

Аннотация. Қишлоқ меҳнат бозорида аҳоли иш билан бандлигини таъминлаш ва ишсизликни камайтириш мураккаб ижтимоий-иқтисодий ҳодиса сифатида кўп томонлама тадқиқотни талаб қиласиган жараён ҳисобланади. Шунга кўра, ушбу мақолада қишлоқ аҳолисининг иш билан бандлигини оширишнинг самарали ижтимоий-иқтисодий механизми ишлаб чиқилган ҳамда қишлоқ жойларда аҳоли иш билан бандлигини ошириш тамоиллари, мезонлари ва кўрсаткичлари таснифланган.

Асосий сўзлар: меҳнат бозори, ишсизлик, иш билан бандлик, тамоиллар, кўрсаткичлар, усуllibар, мезон, баҳолаш, ишчи кучига талаб ва таклиф, иш ўринлари.

Аннотация. Обеспечение занятости населения на сельском рынке труда и снижение безработицы является процессом, требующего всестороннее исследование. В данной статье разработан эффективный социально-экономический механизм повышения занятости населения села, а также квалифицированы принципы, критерии и показатели повышения занятости населения в сельской местности.

Ключевые слова: рынок труда, безработица, занятость, принципы, показатели, методы, критерий, оценка, спрос и предложение рабочей силы, рабочие места.

Abstract: Ensuring employment of the population in the rural labor market and reducing unemployment is a process that requires a comprehensive study. In this article, an effective social and economic mechanism for increasing the employment of the rural population has been developed, and the principles, criteria and indicators of increasing employment in rural areas

Key words: labor market, unemployment, employment, principles, indicators, methods, criteria, evaluation, supply and demand of labor, jobs.

Аҳолининг меҳнатда бандлик даражаси ҳар қандай давлат иқтисодиётининг ривожланиш кўламини ифодаловчи кўрсаткичлардан бири ҳисобланади. Иш билан бандлик даражаси ижтимоий фой-

дали меҳнат соҳасида меҳнатга лаёқатли аҳолидан фойдаланиш даражасини тавсифлайди. Ушбу кўрсаткичнинг ошиши мамлакатда иқтисодий ҳолатлар мураккаблашувининг олдини олади. Ҳозир мам-

лакатда иш билан банд бўлмаган меҳнатга лаёкатли аҳолининг асосий қисми қишлоқ жойларида яшайди ва ушбу кўрсаткич муттасил ўсиб бориш тенденциясига эга. Бундай ҳолат қишлоқдаги ноқишлоқ меҳнатининг тор доирада кўлланиши, янги иш жойларини яратишга йўналтирилган инвестициялар ҳажмини етарли эмаслиги, қишлоқ хўжалиги корхоналаридаги таркибий ўзгаришлар, меҳнат ресурслари сонининг яратилаётган иш жойлари миқдорига нисбатан тезроқ ўсиши, қишлоқда ишчи кучига талаб ва таклиф ўртасидаги номутаносиблиқ, маҳаллий кадрлар малакаси ва рақобатбар дошлигининг пастлиги, бўш иш жойлари ҳақида маълумотга эга эмаслиги билан асосланади.

Шу нуқтаи назардан муҳтарам Президентимиз Ш.М. Мирзиёев таъкидлаганларидек, мамлакатимизда “янги иш ўринларини яратиш ҳамда аҳолининг, энг аввало, ўрта маҳсус ва олий ўкув муасасалари битирувчилари бандлигини таъминлаш, меҳнат бозори мутаносиблигини ва инфратузилмаси ривожланишини таъминлаш, ишсизлик даражасини камайтириш” [3] долзарб масала ҳисобланади.

Шунинг учун, бугунги кунда, айтиш мумкинки, Ўзбекистонда меҳнат бозорининг ҳолати анъанавий хусусиятга эга. Янги иш ўринларининг яратилиши ҳисобига ишсизлар сони бир мунча қисқармоқда. Табиийки, иқтисодиётни модернизациялаш шароитида қишлоқ аҳолисининг иш билан бандлигини таъминлашнинг самарали механизмларини ишлаб чиқиши зарур.

Қишлоқ жойларда аҳолининг ижтимоий зарур иш билан бандликка бўлган эҳтиёжи ва уни амалга ошириш имкониятини режали тартибга солиб бориш лозим. Бундан мақсад инсоннинг фаолият кўрсатиш шарт-шароитларни яхшилаш ва иқтисодиётнинг самарали ишлашини таъминлашдан иборат. Қишлоқ жойларда иш билан бандликнинг самарадорлиги хусусияти ишловчиларнинг мамлакат иқтисодиётининг тармоқлари бўйича тақсимлаш тузилмасидан иборат. Ҳозирги вақтда аҳолининг иш билан бандлиги бўйича иқтисодиётдаги тармоқ тузилиши мавжуд

жамият меҳнат потенциалидан фойдаланиш самарадорлиги даражаси пастлигини акс этиради ва тубдан ўзгартиришга муҳтождир.

Ҳозирги вақтда мамлакатимизда қишлоқ аҳолиси таркибида меҳнат ресурсларининг улуши юқори эканлиги, қишлоқ аҳолисининг иқтисодий фаоллиги ва иш билан бандлиги даражасининг пастлиги, қишлоқ жойларида ташкил этилган иш жойларининг асосий қисми қисқа муддатли ва мавсумий хусусиятга эгалиги, иш билан банд бўлган аҳолининг салмоқли қисми иш ҳақи паст бўлган соҳаларда, норасмий секторда ва барқарор бўлмаган иш жойларида банд этилганлиги, хориждан инвестицияларни жалб этиш бўйича фаол ҳаракатнинг сустлиги, касаначилик иш жойларини кўпайтириш имкониятларининг тўлиқ ишга солинмаётганлиги кузатилади. Республикамиз туманларида мазкур муаммоларнинг мавжудлиги туфайли қишлоқ аҳолиси иш билан бандлиги масалаларини ҳам назарий, ҳам амалий жиҳатдан ўрганиш ва уларнинг ечимини топиш бугунги куннинг энг долзарб вазифаларидан бири ҳисобланади[4].

Шунга кўра, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида «янги иш ўринларини яратиш ҳамда аҳолининг, энг аввало, ўрта маҳсус ва олий ўкув муасасалари битирувчилари бандлигини таъминлаш, меҳнат бозори мутаносиблигини ва инфратузилмаси ривожланишини таъминлаш, ишсизлик даражасини камайтириш» вазифаларини самарали ҳал этиш долзарб масала ҳисобланади[3].

Фан-техника тараққиётининг жадал ривожланиб бориши қишлоқ жойларда иш билан бандликнинг янги турлари ва технологиялари пайдо бўлишига, бу эса қишлоқ меҳнат бозорида ишчи кучига талаб ва таклифни ҳудуд ва тармоқ даражасида тартибга солишнинг ижтимий-иктисодий механизмини такомиллаштиришни ҳамда пировардида эса оқилона иш билан бандликни таъминлашни мақсад қилиб қўяди.

Хозирги вақтда қишлоқ аҳолисининг иш билан бандлигини таъминлаш концепцияси 2017-2021 йилларда республикамизни ривожлантиришнинг бешта устувор йўналиши бўйича Ҳаракатлар стратегияси талабларига мос мақсад ва вазифаларни белигилаб олишдан иборатдир. Бундай ёндашувнинг марказига уни ривожлантиришнинг ижтимоий бозор типидаги давлат учун хос бўлган объектив жараёнларни ҳисобга олувчи иш билан таъминлашнинг шаклланиши қўйилади. Бу ўз навбатида муайян давр мобайнидаги қўйилган мақсадларга эришишнинг реал имкониятлари билан чекланмайди. Иш билан бандлик ижтимоий ривожланишнинг ҳар бир босқичига хос турли кўриниш ва шаклларда намоён бўладиган ўзига хос ҳодисадир.

Қишлоқ жойларида ишчи кучига талаб ва таклифни мувофиқлаштиришнинг ижтимоий-иқтисодий механизми қўйидағи вазифаларни ўз ичига олади:

- иш ҳақи давлат сиёсатини шакллантириш, талаб, таклиф ва ишчи кучининг такрор ишлаб чиқариш баҳосини ҳисобга олган ҳолда, унинг тузатиш механизmlарини ишлаб чиқиш;

- иқтисодий фаол аҳолини, асосан қишлоқ ёшларини касбга тайёрлаш, қайта тайёрлаш ва малакасини ошириш самарали тизимини ташкил қилиш;

- ўй-жой бозорини шакллантириш ва иқтисодиётнинг бошқа тармоқларини ривожлантириш чоралари ҳисобидан ишчи кучининг ҳаракатчанлигини ошириш учун шароитлар яратиш;

- ишчи кучига талабни (иш ўринлари таклифини) рағбатлантириш, қишлоқ худудларининг хусусиятларига хос инвестициялар жозибадорлигини ошириш, янги иш ўринларини яратишда тижорат банкларининг имтиёзли кредитларини жорий қилиш ва унинг асосланганлигини таъминлаш;

- қишлоқ жойларда ноқишлоқ хўжалиги иш ўринларини яратиш билан бирга, қишлоқ хўжалиги маҳсулотларини ишлаб чиқариш ва қайта ишлашнинг интенсив омилларидан кенг фойдаланиш;

- энг мақбул демографик сиёсатни, миграцион сиёсатни рағбатлантириш,

меҳнат муҳофазаси чораларини шакллантириш орқали ишчи кучи таклифини энг мақбул даражага етказиши.

Юқорида келтирилган иш билан бандликка, ишсизликка таъсир қилувчи мавжуд воситалар, қишлоқ меҳнат бозорини давлат томонидан тартибга солишнинг ижтимоий-иқтисодий механизмини кенг даражада акс эттиради. Шаҳар ва қишлоқ меҳнат бозорларини тартибга солиш усуслари ва шаклларида муайян ўхшашликлар борлигига қарамасдан қишлоқ меҳнат бозори ўзига хос жиҳатларга эга.

Худудий сиёсат ҳозирги вақтда ривожланган мамлакатлар қишлоқ жойларида аҳоли иш билан бандлигини таъминлашнинг муҳим воситаси ҳисобланади, шунга биноан қишлоқда саноат тармоқларини, хизмат кўрсатиш соҳаси ва туризм, ҳалқ ҳунармандчилигини ривожлантириш йўли билан қишлоқ хўжалигидан бўшаб кетаётган ишчиларга янги иш ўринлари яратилмоқда. Бу билан икки масаланинг ечилиши кузатилмоқда: биринчидан, оқилона иш билан бандликни қўллаб-қувватлаш ва ишсизлик билан курашиб; иккинчидан, қишлоқда демографик босимга ва ҳалқ хўжалиги тизимида унинг функциялари кенгайишига йўл қўймаслик.

Хозирги шароитда бошқариш фаолияти функцияси сифатида қишлоқда давлат томонидан иш билан бандликни ва меҳнат бозорини тартибга солиш жараёни нафакат ўз аҳамиятини йўқотмайди, балки хўжалик юритиш янги шаклларининг ривожланиши ва мулкчилик таркибининг ўзгариши билан қишлоқ хўжалик ишлаб чиқаришида меҳнат жараёнларига ўз таъсир доирасини сезиларли даражада кенгайтиради. Шу билан бир вақтда бошқариш ва хўжалик юритишнинг турли даражаларида бундай тартибга солишнинг асосий тамойиллари ва усусларини ишлаб чиқишга нисбатан янги ёндашувлар зарур бўлмоқда.

Қишлоқ жойларида аҳолининг иш билан бандлигини таъминлашнинг энг муҳим хусусиятларига унинг самарадорлиги нуқтаи назаридан ҳудудий даражада баҳо бериш зарур. Бундай баҳолар фақат

мавжуд муаммоларни аниқлаш учун эмас, балки иш билан бандлик соҳасидаги аҳолининг иш билан бандлигини таъминлашнинг қонуний тамойилларини аниқлаш учун ҳам муҳимдир.

Энг тактик мақсад иш ўринларига бўлган талаб ва таклифнинг мослашуви-дир. Бунга фақат ишчи кучига бўлган талаб ва таклифнинг мослашувига эришиш шартларига нисбатан комплекс ёндашув билан эришиш мумкин. Бу муаммони ҳал қилишда кўпинча оммавий ишсизликнинг олдини олишнинг зарур шарти бўлган иш ўринлари тизимини ривожлантиришга эътибор берилади.

Қишлоқ жойларда аҳолини иш билан таъминлашнинг самарадорлигини оширишда қўйидаги тамойилларга асосланиш ишчи кучига бўлган талаб ва таклиф мослашувини таъминлашда муҳим ҳисобланади:

- худуд аграр сектори ривожланиши ва унда ишчи кучига талабни шакллантиришнинг иқтисодий ва ижтимоий мақсадларини ўзаро мувофиқлигини таъминлаш;
- қишлоқда аҳолининг иш билан бандлигини таъминлашда замонавий ноқишлоқ хўжалиги иш ўринларини яратишни рағбатлантиришда мавжуд хомашё ресурсларини ҳисобга олиш;
- қишлоқ меҳнат бозорини бозор механизми асосида тартибга солишининг бозор механизми ва давлат томонидан тартибга солишининг мақбул даражада ўзаро боғлиқлиги ва ўзвийлигини таъминлаш;
- қишлоқ жойларида яшаш минимуми истеъмол саватчасини ҳеч бўлмаганда ўртача иш ҳақи миқдорига тенглаштириш;
- қишлоқ жойлари ва қишлоқ хўжалик ишлаб чиқаришининг ўзига хос хусусиятларини ҳисобга олиш.

Иш билан бандликнинг мослашувчанлиги муаммосида асосий жиҳат – меҳнат турини танлашнинг ихтиёрийлиги ва меҳнатни камроқ вақт ичida ишлаб, яхшигина иш ҳақи олиш имконини берадиган қилиб ташкил этишдир.

Ҳозирги кунда иш билан бандликнинг ноъянанавий шакллари – оиласий

тадбиркорлик, якка тартибдаги тадбиркорлик, касаначилик, иш билан бандликнинг замонавий шакллари, хизмат кўрсатиш ва қорамолчилик каби фаолият турлари билан шуғулланиш аҳоли бандлигини таъминлашнинг асосий йўналишларидандир.

Қишлоқда аҳолисини иш билан бандлик муаммоларини ҳал этишда ижтимоий-иктисодий сиёсатнинг ҳамма ҳудудий устуворликларини жиддий қайта кўриб чиқиш зарур. Биринчи навбатда, ер муносабатлари истиқболлари, мулкчилик ва хўжалик юритиш шакллари, иқтисодий муносабатлар, бошқариш тизими ва бошқа элементлар билан бир қаторда тўлақонли буғин сифатида ушбу муаммони қишлоқ ва АСМни ҳудудий ривожланиш концепциясига ва прогнозлаштириш тизимига киритишни талаб қиласди. Иккинчидан, АСМнинг ишлаб чиқариш ҳажми, даромадлар бошқа кўрсаткичлар билан боғлиқ ҳудудий-мақсадли ва тармоқ дастурларига ҳамда мамлакат ҳукумати томонидан тайёрланаётган бюджет режаси ва истиқболдаги стратегик дастурларга иш билан бандлик ва қишлоқ меҳнат бозорининг ҳудудий мақсадли кўрсаткичларини киритишни ҳисобга олиш зарур. Бунда бошқариш даражаси, мақсадлар ва қўйилган масалалардан келиб чиқсан ҳолда, тартибга солишини иқтисодий механизмининг усуллари ва воситалари ўзгаради.

Иш билан бандлик муносабатларини макродаражада ўрганиш меҳнат бозорини тартибга солишининг асосий воситаси ҳисобланади, бунда ишчи кучига бўлган эҳтиёжни кучайтириш ва ишчи кучининг самарали таклифини қўллаб-куватлашга кўмаклашишда ижтимоий ва иқтисодий механизmlар алоҳида ўрин эгаллайди (1-жадвал).

Қишлоқ жойларида аҳоли иш билан бандлигини оширишининг самарали ижтимоий-иктисодий механизmlари элементларининг ўзаро муносабатларини ўрганиш нафақат мантиқий-функционал, балки, энг муҳими, мазкур механизмнинг асосий хусусиятларини тўлиқ очиб беришни таъминлайди.

Қишлоқ жойларда иш билан бандликни таъминлаш ва иш жойларини рағбатлантиришнинг самарали ижтимоий-иктисодий механизмлари

Ижтимоий механизмлар	Иқтисодий механизмлар
<ul style="list-style-type: none"> – қишлоқ меҳнат бозорида паст рақобатбардошлика эга аҳоли гурухларини касбга тайёрлаш ва қайта тайёрлаш тизимини шакллантириш; – ижтимоий ҳимояга муҳтож аҳолининг иш билан бандлигига кўмаклашиш; – ишсизларни ижтимоий қўллаб-куватлаш, ёлланма ишчиларнинг дастлабки ва иккиламчи мослашувчанлигини таъминлаш; – ижтимоий ҳимояга муҳтож фуқароларни иш-га жойлаштириш бўйича квотали иш ўрин-ларини шакллантириш; – меҳнатнинг ҳудудий, ва касбий эгилувчанлигини таъминлаш; – ижтимоий инфратузилмани ривожлантириш; – меҳнат миграциясини рағбатлантиришнинг ташкилий механизмини такомиллаштириш; – қишлоқ жойларида иш ўринлари тузилиши ва сифати ўзгариши мослашувига кўмаклашиш; – ишчи кучининг касбий даражасини ошириш, ёллашда бажариладиган ишларга қўйиладиган талабга ишчи кучининг сифатий таркиби мувофиқлигини таъминлаш; – қишлоқ ишсиз аҳолисининг касбий маълумот даражасини ошириш, меҳнат бозорида барқарор талаб мавжуд бўлган касбларга ўқитиш ва қайта ўқитиш. 	<ul style="list-style-type: none"> – қайта ишлаш ва инфратузилма корхоналаридаги янги иш ўринларини яратган корхоналарга солиқ ва кредитлар бўйича имтиёзлар бериш; – ишлаб чиқаришни кенгайтиришда фойда (даромад) солиғи бўйича имтиёзлар бериш; – қишлоқ ҳудудларининг ишлаб чиқариш хусусиятларига кўра инвестиция фаолиятини рағбатлантириш; – кичик бизнес субъектлари, айниқса оиласий тадбиркорлик фаолиятини давлат томонидан қўллаб-куватлаш; – кичик бизнес субъектларини имтиёзли кредитлаш бўйича шарт-шароитлар яратиш; – қишлоқ жойларда иш билан бандликнинг янги шаклларини яратиш; – касаначиликни ривожлантиришга йўналтирилган иш билан бандликнинг эгилувчанлиқ хусусиятларини аниқлаш; – иш билан бандликнинг ностандарт шаклларини кенгайтириш; – қишлоқ хўжалигида интенсив ривожланишини таъминлашга йўналтирилган янги иш ўринларини шакллантириш; – қишлоқ жойларда якка тартибдаги меҳнат фаолиятини рағбатлантириш; – қишлоқ хўжалиги ишлаб чиқариши ва қайта ишлаш саноати секторларининг асосий маҳсулотларини экспорт қилишни қўллаб-куватлаш.

Худудий даражада унинг ривожланишининг асосий иқтисодий-ижтимоий параметрларининг мувофиқлиги, хусусан, иш билан бандлик сиёсати ва қишлоқ меҳнат бозорининг мақсадлари ҳамда устувор йўналишлари узвий боғлиқ ҳолда мувофиқлиги амалга оширилиши керак. Қишлоқда иш билан бандлик сиёсатининг устувор йўналишлари, мақсадлари билан АСМ соҳасида молия-кредит, таркибий, инвестицион ва ташқи иқтисодий сиёсатнинг мувофиқликлиги назарда тутилади. Ушбу блокка, биринчи навбатда, маҳсулотлар сотиб олишнинг ташкилий масалалари ва озиқ-овқат соҳасидаги интервенциялар, қишлоқ хўжалик маҳсулотлари ишлаб чиқарувчиларининг даромадларини қўллаб-куватлаш механизми ва

озиқ-овқат импортини тартибга солиш киради.

Худудий қишлоқ меҳнат бозоридаги талаб кўп жиҳатдан амалга оширилаётган демографик, миграцион ва ижтимоий сиёсатга боғлиқ. Бунга боғлиқ ҳолда ҳудудни демографик ривожланишининг концепциясини ишлаб чиқиша унинг қишлоқ меҳнат ресурслари билан таъминланганлигига таъсирини ҳисобга олиш керак. Қишлоқда ижтимоий соҳани, айниқса, уйжой ва маданий-маший объекtlар қурилишини ривожланиши қишлоқ меҳнат ресурсларида таркибий силжишларни ва аҳоли иш билан бандлигини истиқболларини ҳисобга олмасдан туриб амалга ошириш мумкин эмас.

Маҳаллий ўзини ўзини бошқариш органлари даражасида аҳолини иш билан бандлик соҳасида муаммолар мавжуд бўлган ҳудудлар ривожланишини иқтисодий ва ижтимоий вазифаларининг ўзаро боғлиқлиги ва мутаносиблиги шахсий хўжаликларда иш билан банд бўлган меҳнатга лаёқатли аҳолига ёрдам бериш, қишлоқ кооперацияси тизимида янги иш ўринларини ташкил қилиш, миллий хунармандчилик ва касаначиликни ривожлантиришда аниқ ифода этилиши керак [5].

Микродараҷада, яъни қишлоқ хўжалик корхоналари ва дехқон (фермер) хўжаликлари тизимида иш билан бандлик сиёсати персонални ривожлантириш жарайёнларини тартибга солиш, кадрларни тайёрлаш ва қайта тайёрлаш, иқтисодий жиҳатдан нуфузли иш ўринлари яратиш, ишсизликнинг олдини олиш ва ёрдамчи хўжаликлар ташкил қилиш чораларини ўз ичига қамраб олиши керак.

Қишлоқ аҳолисининг иш билан бандлигини таъминлашда меҳнат бозорини ягона тизим сифатида шаҳар ва қишлоқ ҳудудлари даражасида тадқиқ этиш муҳимdir. Бунда ишчи кучига бўлган талаб ва таклиф ҳам сон жиҳатдан, ҳам сифат кўринишида ўзаро боғлиқ бўлиши керак. Бу эса қишлоқ жойларида ишчи кучининг сифатий таркиби (малака дараҷаси, касбий мутахассислиги) шаҳарга нисбатан анча пастлигини билдиради. Шунинг учун ҳудудий меҳнат бозорининг самарали ривожланишида қишлоқ меҳнат бозорининг ривожланиш хусусиятларини ҳисобга олган ҳолда мақсадли дастурлар ишлаб чиқиша тизимили ёндашиш зарур. Шу билан бирга, қишлоқда ишчи кучининг касбий ҳаракатчанлигини ошириш ҳисобига ишлаб чиқариш ва хизмат кўрсатишида интенсив ривожланиш бўйича чоралар кўрилиши керак. Аграр секторда инвестицион жараёнлар сустлиги ва мамлакатимиз қишлоқ хўжалигида ишлаб чиқаришнинг бошқа иқтисодиёт тармоқлари ва соҳаларга нисбатан ўсишининг нисбатан пастлиги ҳозирги давр учун хосдир.

Иш билан бандликни таъминлашнинг ижтимоий-иктисодий механизmlари амал қилишининг асосий мақсади бўлиб,

меҳнатга бўлган талаб ва таклифни самарали мослашишига эришиш ҳисобланади. У иқтисодиётни малакали ва интизомли ишчиларга бўлган эҳтиёжини, аҳолини бўлса – ишчилар учун ишлашига етарлича сабаб бўлиб хизмат қиладиган муносиб иш ҳақи ва шароитларга эга бўлган иш ўринларига бўлган эҳтиёжини қондириш керак. Умумий мақсаддан келиб чиқсан ҳолда яқин келажакда қишлоқ аҳолисини иш билан таъминлаш вазифалари муносиб иш ўринлари яратишни амалга оширишдан иборатdir.

Аҳолини иш билан таъминлаш мақсадлари ва вазифаларига қўйидагиларни киритишимиз мумкин:

– стратегик мақсадлар: оқилона иш билан бандликка эришиш ёки касбий-малакали, ҳудудий, ишлаб чиқариш, психологик ва бошқа иш билан банд бўлганларнинг таркибини мавжуд иш ўринлари таркибиага энг юқори мослигига эришиш. Қишлоқ аҳолисини иш билан таъминлашни бу мақсадлари узоқ муддатли режалаштириш асосида стратегик аҳамиятга эга;

– меҳнат бозоридаги жорий ва тактик вазифалар: талаб ва таклиф нисбатини ўзгариши, иш билан бандликда номутаносибликни бартараф қилиш; ҳудудий тузилма йўналтирилган тармоқ ва ҳудудий меҳнат бозорларини такомиллаштириш; иш билан бандликни яхшилаш ва ишсизликни камайтириш; унинг оқибатларини юмшатиш ва бошқалар [2].

Ишчи кучига талаб ва таклифни тартибга солиш иқтисодий механизми бу вазифаларини қисқа муддатли ёки ўрта муддатли режалаштиришнинг элементига мос равишда тактик маънога эга. Тактик вазифалар стратегик мақсадлар доирасида амалга оширилади.

Кўп ҳолларда бир вазифа бошқаларига боғлиқ бўлмаган ҳолда амалга ошимайди. Шу билан бирга меҳнат бозорини тартибга солиш механизми ўзгариб борётган ижтимоий-иктисодий шароитларга мослашиши, тартибга солишни аниқ услларини танлаш, меҳнат бозори конъюктурасидан келиб чиқсан ҳолда олдиндан мўлжалланган масалаларни очили-

шида устуворликни таъминлашдан иборат.

Аҳолининг иш билан бандлигини оширишнинг самарали ижтимоий-иқтисодий механизми ўз хусусиятларига кўра ишчи кучига бўлган талаб ва унинг таклифини шакллантирувчи элементлар мажмуасидан иборат бўлади. Аҳолининг иш билан бандлигини оширишнинг самарали ижтимоий-иқтисодий механизми – бу ишчи кучига бўлган талаб ва унинг таклифи ўртасидаги нисбатларга муайян таъсир кўрсатувчи, уни мазмунан тўлдирувчи ижтимоий-иқтисодий шакллар ва омилларни ўз ичига оловчи элементлар мужмуидир.

Ҳозирги кунда қишлоқ жойларда аҳолини иш билан таъминлашдаги муаммолар қўйидагилардан иборат:

1. Қишлоқ жойларида таркибий ва яширин ишсизликнинг мавжудлиги. Бундан кўринадики, иқтисодиёт тармоқларидаги технологик ва мулкчилик муносабатларининг ўзгариши таркибий ишсизлик даражасининг ошишига олиб келмоқда. Ишчи кучи нархининг паст даражаси яширин ишсизликнинг кўпайиб бориши омилларидан бири ҳисобланади, чунки ишсизлик муайян вақтгача корхоналарнинг молиявий аҳволи учун ҳаддан ташқари оғир юк бўлмайди.

2. Малакали кадрларнинг тақчиллиги. Иқтисодиётда меҳнат тақсимотининг чукурлашиб бориши, замонавий янги тармоқларнинг вужудга келиши ва бунинг натижаси сифатида иш билан бандлик инновацион тури шаклланиши учун асос яратмоқда. Бунинг натижасида ноқишлоқ хўжалиги иш ўринларининг кенгайиши ҳисобига замонавий касблардаги малакали кадрларга бўлган талаб ортиб бормоқда.

3. Қишлоқ меҳнат бозори инфратузилмасининг етарли даражада ривожланмаганлиги. Меҳнат бозори сифатий хусусиятининг энг муҳим мезони унинг инфратузилмасининг ривожланиш даражасидир. Инфратузилма иқтисодиётда турли хўжалик тизимлари ва бу тизимлардаги асосий субъектлар ўртасида фаол ўзаро боғлиқликни таъминлаш учун шарт-шароит яратиши зарур. Меҳнат бозори

инфратузилмасининг асосий функцияси иш берувчи билан ходим ўртасидаги иш кучининг нархи, меҳнат шароити, ходимнинг муайян ижтимоий муаммоларини ҳал қилиш, иш билан банд бўлган ва банд бўлмаган аҳолини касбга тайёрлаш ва қайта тайёрлаш, иш жойларини яратиш ва сақлаш, аҳолига ахборот хизматларини кўрсатиш, ишчи кучининг ҳаракатчалигини қўллаб-кувватлаш, ижтимоий-меҳнат низоларини тартибга солиш хусусидаги муносабатларни йўлга қўйишдан иборатдир.

4. Ишсизлик давомийлигининг юқорилиги, бу кўрсаткич ишсизлик муддатини ўртacha 6-7 ойгача чўзмоқда. Бунинг натижасида, ишлаб чиқаришда банд бўлмаган меҳнат ресурслари салмоғининг ошиб бориши бир неча ўн минглаб кишилар иш вақтининг йўқолишига олиб келмоқда.

6. Қишлоқ меҳнат бозорида иш қидираётганлар учун бўш иш ўринлари ҳақида ахборот олишнинг қийинлиги, иш берувчиларнинг бўш иш ўринлари ҳақида ахборотни сир тутиши. Кўпчилик иш берувчилар, «Аҳолини иш билан таъминлаш тўғрисида»ги Ўзбекистон Республикаси Қонунининг талабларига қарамасдан иш билан бандлик хизмати органларига бўш иш ўринлари ҳақида тўлиқ ахборотни бермайдилар. Улар бошқа имкониятлардан фойдаланиш мақсадида қариндошлари, ўзининг корхонасидаги яқин танишлари орқали бўш иш ўринларига номзодларни танлайдилар.

Қишлоқ жойларида ишчи кучига бўлган талабни оширишнинг, яъни янги иш жойларини яратишнинг иқтисодий механизмини тартибга солиш қўйидаги чора-тадбирлар орқали амалга оширилади:

–инвестициявий фаолликни рағбатлантириш. Имтиёзли кредитлаш тизимидан фойдаланган ҳолда ишлаб чиқариши ривожлантириш бўйича рағбатлантиришни амалга ошириш; иқтисодиётнинг реал секторини ривожлантиришга йўналтирилган кредитлар фоиз ставкасини оптимал ўрнатиш ва кредитлаш бўйича маъмурий тўсиқларни бартараф этиш; капитал қуйилмалар манбаси сифатида амартизация сиёсатининг ролини

ошириш; амортизация ажратмаларидан инвестиция йўналишида тўлик фойдаланишни таъминлаш; хорижий капитал ва аҳоли жамғармаларини инвестиция соҳасига жалб қилиш имкониятларини рафбатлантириш;

—фаол таркибий сиёсатни ва иқтисодиётни инновацион ривожланишини таъминлаш. Иш билан бандлик жараёнларини такомиллаштириш талабларини ҳисобга олган ҳолда техник-иктисодий ривожланишнинг узоқ муддатли истиқболларини ишлаб чиқиш; давлат кафолатларидан фойдаланган ҳолда иқтисодиётнинг уствор йўналишлари доирасида лойиҳаларни имтиёзли кредитлаш; иқтисодий жиҳатдан нуфузли иш ўринларини яратишга кўмаклашувчи инвестиция ва илмий-техникавий давлат дастурларини амалга оширишни фаоллаштириш; рақобатбардошлигини ошириш имкониятига эга молия-саноат гурухларида фан сифими юқори технологиялар асосида инновацион маҳсулотларни ишлаб чиқаришни йўлга кўйиш; йирик молия-ишлаб чиқариш тузилмаларида молиявий капитални таъминлаш бўйича интеграцияни яратиш;

—ялпи талабни рафбатлантириш. Корхоналар томонидан айланма маблағларнинг йўқотилиши ва ишлаб чиқариш кувватининг паст даражаси шароитида давлат буюртмаларини фаоллаштириш асосида ҳам ишлаб чиқарувчиларни, ҳам истеъмолчиларни ҳимоялаш бўйича миллий маҳсулотларимизга ялпи талабни рафбатлантириш; истеъмолчилар талабини рафбатлантириш учун меҳнат баҳосини, яъни реал иш ҳақи миқдорини ошириш зарур. Бунга ишлаб чиқариш фаолиятини кенгайтириш ҳамда ялпи даромадни тақсимлаш жараёнида меҳнатга ҳақ тўлаш улушкини ортиши асосида эришиш мумкин. Моддий ишлаб чиқариш соҳасида ишловчилар меҳнат ҳақи билан бюджет соҳасида ишловчиларнинг тариф сеткалари ўртасида мувофиқликни таъминлаш орқали турли тармоқ ишчилари меҳнатига ҳақ тўлашнинг миқдорий фарқини қисқартириш эвазига меҳнатга ҳақ тўлаш тизимини такомиллаштириш зарур. Шунингдек, даромадларнинг тақсимланиши

бўйича аҳоли ўртасида табақаланишни қисқартириш [1].

—худудий сиёсатни такомиллаштириш. Қайта тақсимлаш жараёнларини оптималлаштириш ва ўз-ўзини ривожлантириш учун шарт-шароитларни яратиш йўли билан дотацияга тушган худудларни қисқартириш зарур. Худудлар ижтимоий-иктисодий ҳолатини тенглаштиришга ва самарадорлигини оширишга йўналтирилган чора-тадбирларни ишлаб чиқиш зарур.

Давлат иш билан бандлик сиёсати республикамиз ижтимоий-иктисодий сиёсатининг таркибий қисми сифатида меҳнат салоҳиятидан самарали фойдаланиш ва унинг ривожланиши бўйича иш билан бандлик муаммоларини ечишга йўналтирилган иқтисодиётнинг ривожланиш даврига мувофиқ иш кучини иқтисодиёт соҳалари ва тармоқлари ҳамда иш билан бандлик кўринишлари бўйича қайта тақсимлашда ижтимоий жиҳатдан мувофиқ иш билан бандлик даражасини таъминлашга йўналтирилиши зарур.

Кишлоқ аҳолисининг оқилона иш билан бандлигини таъминлашнинг такомиллаштирилган янги механизми куйидаги асосий шарт-шароитларнинг таъсирини тартибга солиши лозим: ишчи кучига бўлган талабнинг ошиши ва унинг таклифининг камайиши; ёлланма иш кучига меҳнат ҳақини (нархини) энг паст миқдорини аҳоли жон бошига тўғри келадиган минимал истеъмол бюджетидан кам бўлмаган ҳолда белгилаш; меҳнатга қобилиятли ўсмирлар, пенсионерлар, кўп болалик аёллар ва ногиронлар иш билан бандлигини оширишни рафбатлантириш; ишсизларнинг малакаси, рақобат қобилияти ва касбий ҳаракатчанлигини ошириш, меҳнат бозори инфратузилмасининг самарали ривожланишини таъминлаш ва бошқалар.

Кишлоқ жойларда аҳолининг иш билан бандлигини ошириш кўйидаги самарали иқтисодий ва ижтимоий тадбирларни ўз ичига олади:

—миллий даражада: иш ҳақини оширишга йўналтирилган рақобатни кучизлантириш мақсадида юқори даромадли фирмаларнинг даромадини ушлаб туриш

ва нисбатан кам даромадли корхона ва фирмаларни кўллаб-кувватлашга йўналтирилган солиқ солишининг юқори даражасини ўрнатилиши; кичик тадбиркорликни кўллаб-кувватлаш; янги иш ўринлари сонини кенгайтириш, яъни меҳнатга бўлган талабни рағбатлантириш мақсадида солиқ имтиёзлари ва кредитлар бериш; турмушни, моддий ва ўй-жой шароитларини яхшилаш шартлари билан бўш иш жойлари мавжуд бўлган худудларга ишчи кучи ортиқча бўлган худудлардан оиласи билан кўчидан ўтишга субсидия ва кредитларни бериш йўли орқали ишчи кучининг касбий ҳаракатчанлигини ошириш; қишлоқ хўжалиги ишлаб чиқариши ва қайта ишлаш саноати секторларининг асосий маҳсулотларига давлат буюртмасини белгилаш; рақобатбардош бўлмаган қишлоқ ишчиларини давлат томонидан кўллаб-кувватлаш; қишлоқ ишсизларининг касбий таълим даражасини ошириш, меҳнат бозорида барқарор талаб мавжуд бўлган касбларга ўқитиш ва қайта ўқитиш;

—ички меҳнат бозорида: корхоналарнинг молиявий ҳолатидан қатъий назар, teng меҳнат хизматига teng иш ҳақи кафолати; иш берувчилар ва ёлланма ишчилар ўртасида иқтисодий рағбатлар бўйича шартномавий муносабатларни тартибга солиш; меҳнаттага ҳақ тўлашнинг умумий тарифини яратиш.

Шундай қилиб, қишлоқ меҳнат бозорини тартибга солишининг ижтимоий-иқтисодий механизми иш билан бандлик даражасини ошириш ва ишсизликни йўл қўйиладиган даражасигача қисқартириш зарур. Янги технологияларни кўллаш ва

ишлаб чиқаришни қайта ташкил этиш билан боғлик бўлган самарали иш билан бандликка эришиш қишлоқ аҳолисининг иш билан бандлик дастурларини ишлаб чиқишида эътиборга олиниши зарур.

Қишлоқ меҳнат бозорида ишчи кучининг рақобатбардошлигини ошириш ҳамда иш билан бандлик хизматини ташкилий жиҳатдан такомиллаштиришнинг асосий йўналишлари қуидагилардан иборат:

—ишчи кучининг сифатий таркибини такомиллаштириш омили сифатида янги ахборот технологиялари базасида узлуксиз қишлоқ хўжалик таълим тармоғини ислоҳ қилиш ва узлуксиз касб-хунар таълими тизимини ривожлантириш;

—меҳнат бозорида қишлоқ аҳолисининг рақобатбардошлигини ошириш мақсадида кадрлар салоҳиятини ошириш, иқтисодиёт соҳалари ва тармоқларига хос кадрларни илдамловчи касбга таёрлаш тизимини шакллантириш;

—худудий даражада бўш иш ўринлари ягона маълумотлар банкини яратиш;

—вақтингчалик ишсиз қишлоқ аҳолисини кўллаб-кувватловчи ижтимоий ҳимояни кучайтириш чора-тадбирлар тизимини такомиллаштириш;

—мустакил иш излаш кўнікмалари ни шакллантириш;

—худудий даражада қишлоқ аҳолиси иш билан бандлигини ривожлантириш ҳолатини истиқболлаштириш;

—иш излаб юрган фуқаролар ва ишчиларга бўлган эҳтиёж, касбий таълим олиш имкониятлари ҳақида иш берувчиларга ва аҳолига тезкор маълумотлар тақдим этиш.

Манба ва адабиётлар:

1. Смирнов С. Методы оценки государственной политики занятости // Вопросы статистики. - 1998. -N2 4. - С. 29-34.
2. Стрельченко Е. А., Овчинников В. Н. Механизм регулирования занятости и его особенности в переходной экономике // Социально-экономические проблемы народонаселения, занятости и перехода к устойчивому развитию России, 1999. Б. 123-125.
3. Ўзбекистон Республикаси Президентининг 2017 йил 7 февралдаги 4947-сонли «2017-2021 йилларда Ўзбекистон Республикасини ривожлантиришнинг бешта устувор ўйналиши бўйича Ҳаракатлар стратегияси» Фармонига 1-илова //Lex.uz
4. Холмўминов Ш.Р. Қишлоқ меҳнат бозорининг шакланиши ва ривожланишини моделлаштириш // Дис. и.ф.д. -Т.: 1998. - 60 б.
5. Холмўминов Ш.Р., Арабов Н.У. Меҳнат бозори инфратузилмаси. Ўқув қўлланма. -Т.: "Фан ва технологиялар", 2016. -55 б.